

Misissueqqaarnerit pillugit Inatsisartut peqqussutaat

Innaallagialq, imeq kiallu, qatserisartoqarneq, umiarsualiviit, aqqusernit, nalunaarasuaatikkut atassuteqarneq il.il. pillugit Kalaallit Nunaannut inatsimmi nr. 943, 23. december 1986-imeersumi § 11, imm. 2 naapertorlugu aalajangersarneqarpoq:

§ 1. Misissueqqaarnerit pinngortitami avatangiisinik assiliortiterlutillu nalunaarsuisussaapput aammalu tamatumani ilisimasassatigut paasissutissat ingerlateqqittassallugit. Pinngortitami avatangiisit tassaapput uumassuseqanngitsut Kalaallit Nunaanni pinngortitamiittut aammalu sanaartukkat kiisalu inuit piliaat pinngortitamiittut.

Imm. 2. Misissueqqaarnerit misissueqqaarnernit ilisimalikkat pissarsiarineqartarnerat atorneqartarnissaallu pillugit siunnersuisartussaapput, tassa pinngortitami avatangiisit pillugit paasissutissanik aammalu apeqqutinik tamakkununnga tunngassuteqartunik paasissutissiisartussaallutik.

Imm. 3. Nunaminertani sanaartorfissanngortitaallutillu sanaartorfigineqalersuni, pinngortitami pisuussutunik uumassuseqanngitsunik iluaquteqarniarfusuni aammalu allani inuiaqatigiinnut pingaaruteqartunik siunertaqarfusuni assiliortiternerit, nalunaarsuinerit paasissutissanillu katersuinerit ingerlanneqartassapput.

Imm. 4. Ilisimalikkat misissueqqaarnernit pissarsiat nunaminertanik atuinermik pilersaarusiornernut aammalu suliassanut imm. 3-mi taaneqartunut misissueqqaarnernullu tamakkuninnga siunertaqartunut iluqutaaniartussaapput.

Imm. 5. Naalakkersuisut nalunaarutiliorsinnaapput Misissueqqaarnerit ingerlatsinerminni malittarisassaannik aalajangersaasunik.

§ 2. Misissueqqaarnerit Namminersornerullutik Oqartussat suliffeqarfutigaat imminut ingerlattutut aaqqissuussaaq.

Imm. 2. Suliffeqarfimmut ukiumoortumik akuersissutit aningaasanut inatsimmi aalajangersarneqartassapput.

Imm. 3. Suliffeqarfik pisortamit Naalakkersuisunit toqqarneqartumit aqunneqassaaq.

§ 3. Misissueqqaarnerit suliassarititat suliarineqarnerisa saniatigut pinngortitami avatangiisit pillugit paasissutissanik siunertanut atorluarsinnaasunik pissarsiniaqqullugit aammalu tamakku kingunerisaannik nalilersueqqullugit suliassinneqarsinnaapput. Suliassiissutit taamaattut suliarineqartassapput suliassiisup akiliuteqarneratigut.

Imm. 2. Ikiorisinertigut illut, sanaartukkat atortussallu pilersaarusiorneqarneri, illuliornerit, sanaartukkat torersaanerillu naammassineqarneri, pinngortitami pisuussutunik uumassuseqanngitsunik

iluaquteqarniarnerit, inunnik avatangiisinik il. il. illersuinerit allanngutsaaliuinerillu qanoq periarfissaqartigineri sunillu atugassaqaqarfiuneri paasisaqaqarfigineqarsinnaalissapput. Imm. 3. Pisortanut, pisortat suliffeqaqarfiutaannut sullissiviinullu, ingerlatseqatigiiffinnut akuersissuteqaqarfigineqarlutik ingerlatsisunut, naalagaaffimmut namminersortunullu ikiorsiisoqartarsinnaavoq.

§ 4. Inatsisartut peqqussutaat novemberip 1-anni 1993-imi atuutilissaaq. Tamatumunnga peqatigitillugu Grønlands Tekniske Organisationi pillugu Inatsisartut peqqussutaanni nr. 8-mi decemberip 19-anni 1986-imeersumi § 2, imm. 1-imi nr. 6 aamma nr. 8 atorunnaarput.

Namminersornerullutik Oqartussat, ulloq 28. oktober 1993.

Lars Emil Johansen

/

Kuupik Kleist

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut